

fumpta propter numeri ad rationes aptitudinem. Quibus etsi non omnino repugno, tamen ne quid temerè rejiciatur, ex ijsdem principijs diuisionis huius causam proponam, ad quam Creatorem proprietates (si quas illæ distinctas habent) accommodasse vero non erit absimile.

Numerorum subiectum quodnam sit, suprà vidimus. Et certè præter quantum, aut quanto simile, potentia qualicunque præditum, nihil est in toto vniuerso numerabile, præter Deum, qui ipsissima veneranda Trinitas est. Iam igitur corpora omnia disscuimus per Zodiacum. Videamus, ecquid sectione hac Zodiacus ipse adeptus vel passus sit. Sectorum igitur dicto modo, Cubi facies ex sectione resultans erit quadrata, vt & Octaedri, Pyramidis triangula, Reliquorum duorum decangula. Quater tria decies faciunt summam centum & viginti. Igitur inscripta circulo, quadratum, triangulum, decangulum, ad idem punctum, arcus varios in circumferentia distinguunt, quos omnes metitur portio non maior centesimâ vicesimâ totius circuli. Naturalis igitur diuisio Zodiaci in 120. ex regulari situ corporum inter orbes. Cuius triplum cum sit 360. videmus hanc diuisionem non omnino nulla ratione niti. Iam si quadratum & triangulum rursum ex eodem punto separatim describamus, portio circuli minima erit pars duodecima ambitus, nempe Signum. Ut mirum sit, & motum Solis & Lunæ menstruum, & coniunctiones magnas Superiorum tam aptè quadrare ad portiones, quæ ab eorundem corporibus per triangulum & quadratum distinguuntur.

Atque adeo quām hæc duodenaria diuisio penes naturam in precio sit, exemplo cape extraneo: vt quamvis causa non omnino cognita sit, tamen occasio pateat, subinde præclarius de his quinq; figuris sentiendi.

Esto proposita fides aliqua, eiusq; sonus r̄ ut. Igitur

quot occurunt voces à r̄ usque ad octauam consonantes cum r̄, toties, nec s̄apius, potes fidem rationaliter diuidere, sic vt diuisæ fidis partes & inter se & cum integra consonent. Porro quotnam illiusmodi voces occurrant aures indicant. Ego schemate & numeris dicam,

F

Vide